

陸川縣志卷之三

沿革

周禮以保章辨地域職方遠近節道路列爵分土各有定治自秦罷封建署侯置守沿革紛如考古之士或因版籍而尋其措置之由錄其巔末俾覽者知殊名別隸之次云志沿革

沿革考

陸川古百地越自五嶺以南總名南越

秦定南越置三郡南海桂林象郡以陸地屬象郡

漢文帝討趙佗相蒙嘉平南越分秦所建三郡置蒼梧合浦鬱林九真交址等郡以陸地屬合浦郡

東漢平定諸蠻治城廓置井邑復稱合浦如故屬交州
後漢為吳

晉平吳屬交州

宋改屬越州

齊梁陳因之

隋析置陸川縣仍屬越州大業初省入勾漏縣

唐武德五年復置陸川縣屬南峇州貞觀初屬潘八年屬容州

五代時馬殷僭號楚縣屬楚後劉晟盡有東南之地號南漢縣屬南漢
宋開寶五年復名陸川廢順禹二州以所領龍化溫水南河龍象省
入移治合平隸容州未幾改為合平溫化間復名陸川徙治溫水仍

十
隸容州元因之統屬梧州路
明洪武十年改容州為縣遂以陸川隸梧州府
清朝因之雍正三年巡撫李 紱題改鬱林州為直隸州陸川屬焉

